

حقوقی بیکیسیر مجموعه سی

هر آیک اون بشنده نشر اولنور

مقتضای ایضا ایدلک اوزره اوراقلک محله اعاده سنه و بوجه زیر مصارف تمیزیه نك ایلریده حقسز حقیقه حق طرفه عایدیه ۲۵ شباط ۹۲۸ تاریخنده تقضاً قرار و بریلرک حاضر بولنان تمیز و کیله اصولاً تفهیم قلندی .

Bibliographie

کتابلر

یکی حقوق اصول محاکمه لری قانونی شرحی

دارالفنون حقوق اصول محاکمه مدرسی مجموعه منحرر لرندن مصطفی رشید بك افندیك حقوق اصول محاکمه لری قانونك شرحی حاوی نشر و برنسخه سنی مجموعه منزه اهدا ایتدكلری قیمتی اثری اوقودق . اسویچره نك نوشتلر اصول حقوقیه سنی اساس اتخاذ و غرب موضوعاتندن وبالخاصه آلمان احكام اصولیه سنندن استفاده ایدیلرک تنظیم ایدلش اولان قانونك شرحی خصوصنده غرب حقوق علماسنك قیمتی تبعلرینه مراجعت لزومی آشکار و بونك ایچون شارحك غرب حقوقه وقوفی شرط اصلی در . استانبول و پارس حقوق فاکولته لرینك بتشدیرمش اولدیغی مصطفی رشید بك افندی بو اوصافی تماماً حائز قیمتی بر حقوقچیمزدر . هر شیدن اول مؤلفك قدرت علمیه سی اثرک مکملیتنه دلیلدر .

مؤلف اثرینی باشند باشه ساده بر اسلوب ، سلیس بر افاده و خلاصه کوزل بر تورکجه ایله یازمش اولدیغندن مسلکدن اولسون اولماسون اوقویوجینك استفاده سی تأمین ایدلش دیمکدر .

اثر؛ علمی و جدی تدقیقات محصولدر ، غربك مختلف شارحلرینك مطالعه لرینی آرده کوردیکمز کی مطالعه لر و اجتهدلرله ده سائر قانونلریمله اولان ارتباط بالخاصه تأمین اولونمشدر .

اثرک مدخلی آیریجه احاطه لی بر حقوق مجموعه سیدر . تشکیلاتمز ایجابنه کوره حقوقك عمومی قاعده لری جداً واقفانه تحلیل ایدلشدر .

هر ماده نك شرحنده ، ماده نك سلیس بر افاده ایله معناسی ، واضع قانونك مقصدی ،

مختلف مؤلفلارک مطالعه لری، اسویچره فهده دال محکمه سنک اجتهد لری، سائر قانونلریمزک علاقهدار حکملری یازلمش و حقوقی اختلاف واجتهدی موجب مسائله شارح کندی مطالعه سنی ده علاوه ایشدر .

معلومدرکه اقرارک تجزیسی مسئله سی اوتهدن بری حقوقی لریمز آره سسنده مختلف تبعاتی موجب اولمشدر .

تطبیقات ساحه سنده محکمه لریمزک اجتهد و تبعلری دفته شایندر .

خلاصه نقاط نظر اختلافی موجب اولان بو مسئله نک دخی مصطفی رشیدک افندی طرفندن علمی بر صورتده تحلیل، حقیقی بروجه تعیین ایدلمش اولدینی کوریورز .

اقراری قانونمز تعریف ایتیمور . مؤلف فرانسه نک الک بویوک مؤلفلرینکده راینه استناد ایدردک برکیمس نک کندینی مدافعه مقصدیله سوبلدیکی سوزلرک اقرار تشکیل ایدمه جکشی و آنجق خصمک ادعاسنی ثابت فرض ایتدیرمک مقصدیله وقوع بولان بیاناتک اقرار اولدینی قناعتی اظهار ایتمکدهدر . مؤلفک قضیه محکمه بحثده کی فکرلری بالخاصه نظر دقتی جلب ایتمکدهدر .

حاکم لریک حکملرنده کوستر دکلری اسباب موجب نک قضیه محکمه تشکیل ایدمه جکشی مدافعه ایتمش ومع مافیه، محاکم قرارلرینک ضمنأ حل ایتدکلری مسائل حقدهده قضیه محکمه تشکیل ایتدیکشی قبول ایتمشدر . صوکره قضیه محکمه نک شرائطی تدقیق ایتمشدر .

بعده احوال شخصیهیه دائر محاکم قرارلرینک نفوذی مطلق اولوب اولمادینی تدقیق و دوکونی نک فکرلرینه مخالف اوله رق بو خصوصده قضیه محکمه نک نسبی بر نفوذه مالک اولدینی قناعتی اظهار ایتمشدر .

صوکره جزا محکمه سی قرارلرینک حقوقده کی تأثیراتی تدقیق ایدلمشدر .

اصول محاکمهیه رعایتسزلسک نتیجه لری حقده اوزون تفصیلات ویرلمشدر . ۸۲نجی ماده اینجه برتحلیله تابع طوتلش . بطلانی ایجاب ایدن اساسلی مراسم ایله اولمایان مراسم اراسنی تفریق ایچون وضع اولنان اساسک واضح اولمادینی کوستریشدر . بو مؤلف وود استیناف محکمه سنک ۱۹ کانون ثانی ۱۹۲۷ تاریخلی برقرارینهده استناد ایدردک یالکز امر مدافعه یی اشکال ایدمک درجهده اولان نقصانلرک بطلانی استلزام ایدمه جکشی قبول ایدیور .

احتیاطی تدبیرلر یخنده حاکمک اتخاذ ایدمه بیله جکی احتیاطی تدبیرلرک نوع وماهیق تفصیل ایدلشدرد. مؤلف، داینلرک حصه غرامه سنی آزالتمق مقصدیه مدیونک تصرفلرینی بورجلانمیه سیده قاچیرمغه تشبیه ایتمکده در.

اثرده شایان دقت اولان برجهتده اقرارک تعریفله مواد حقوقیهده قابل تجزی اولوب اولمامسی مسئله سیدر.

مؤلف، تفصیلاً ذکر ایتدیکی اسباب موجب ایله تجارت قانونی حکمنک حقوق ایشارندهده تطبیقی لازم کله جکی نتیجه سینه وارمقده در.

اعتراضات ابتدائیه حقنده محکمه دن ویریلن قرارلری مستقل ونهایی برقرار عدایدرک دوغریدن دوغرییه قابلیت تمیزیه سنی قبول ایدیور. بو طرز تفسیرک طرفین ایچون نه قدر فائده لی، ایشلری نه قدر تسریع و محکمه تمیزک ایشلرینی بالعکس چوق فضله آزالتمه غنی ایضاح ایتشدرد.

عمومی مدخل قسمنده بارو مجموعه سنده نومرو:

دعوایه اهلیت وصف و خصوصتک کیمه توجه ایدمه جکی مسئله سنده، مسئله نک حل قانون مدینک موضوعی داخلنده عدا ایتمکله برابر (صفحه: ۴۰) بو بابده بعض مثاللر ذکرینی فائده لی کورمشدر. صوکرک حکمی شخصلرک وبالخاصه صوکرک زمانلرده اهمیت کسب ایتمش اولان ایشی سندیقه لرینک، دعوا حقلری اولوب اولمادیغنی مسئله سنی حل ایتشدرد.

بورجلر قانونی موجبجه ایشی جمعیتلرینک، ایش صاحبلری ایله یاپه جنی عمومی مقاله معتبردر، فقط بو مقاله یه رعایته اجبار ایچون سندیقه نک حق دعواسی وارمیدر؟ مؤلف، مقاله یه رعایتسزلک، جمعیت ایچون آیری بر ضرر حصوله کتیرمدکجه جمعیتک حق دعواسی قبول ایتمیور. مع مافیه بوفکرک محذورلرینی ایضاح ایتمش (۱۹۱۹) فرانسز قانونیه مقایسه ایتشدرد.

رنجی جلدی ساحه انتشاره وضع ایدلمش اولان اثرک برآن اول ختامنه بحق منتظرز. اثر، حاکم لریمز، آووقاتلریمز ایچون قیمتلی بر منبعدر. بالعموم مسلکداشلرجه اوقونمسی وألده ایدلمسی لازم کلن بو قیمتلی اثرک توصیه سنی زائد کورویورز.

محترم مؤلفنی تبریک ایدر وصمیمی تقدیرلریمزیده بالوسيله عرض ایلرز.